

# Meeqqanut akilersuutit il.il. kiisalu meeravissiarthaarnermi tapiissutit tunniunneqartarneri pillugit Namminersornerullutik Oqartussat nalunaarutaat

Meeqqanut akilersuutit il.il. kiisalu meeravissiarthaarnermi tapiissutit tunniunneqartarneri pillugit Inatsisartut peqqussutaanni nr. 2-mi 3. marts 1994-imeersumi §§ 8 aamma 16 tunngavigalugit makku aalajangersarneqarput:

## Kapitali 1.

*Aalajangersakkat nalingijnnaasut.*

§ 1. Meeqqanut akilersuutit il.il. kiisalu meeravissiarthaarnermi tapiissutit tunniunneqartarneri pillugit Inatsisartut peqqussutaat tunngavigalugu tunniussinerit inummit taakkuninnga pisinnaatitaasumit erseqqissumik qinnuteqartoqarneratigut aatsaat pisinnaapput.

*Imm.* 2. Inatsisartut peqqussutaat taanna tunngavigalugu tunineqarnissaminik qinnuteqartup paasissutissat suliasap suliarineqarnissaanut pisariaqartut tamaasa paasissutissiissutigissavai.

*Imm.* 3. Qinnuteqaatip suliarineqarnerani uppersaasatit pisariaqartinneqartut pissarsiarineqarnissaat qinnuteqartup isumagisassaraa.

§ 2. Kommunit isumaginninnermi ataatsimiititaliaasa meeqqanut akilersuutiniik meeravissiarthaarnermiluunniit tapiissutiniik pisinnaatitaasussat Inatsisartut peqqussutaat tunngavigalugu tunniussisoqarsinnaaneranut periarfissanik ilitsersussavaat, matumani tunniussinnginnermi uppersaasatit suut pissarsiarineqareersimanissaat ilanngullugu paasissutissiissutigalugu.

## Kapitali 2.

Meeqqanut akilersuutit pisortanit siumoortumik tunniunneqartartut.

§ 3. Meeqqanut akilersuutiniik pisortanit siumoortumik tunniunneqartartunik qinnuteqaammi kina meeqqanut akilersuisussaataitanersoq nalunaarneqarsimassaaq, kiisalu akiliutit ullormi akilernerqarsimaffissaminni akilernerqarsimannginnerat aamma ilanngullugu nalunaarneqarsimassalluni.

*Imm.* 2. Qinnuteqaat akilersuisussaatsinermik imaluunniit ataassarsiuinnermut, akilersuisussaataitassarsiornermut avinniarnermulluunniit atatillugu akilersuisussaataitaasoqarnissaanik qinnuteqaateqarsimanermik uppersaammik ilaqartinneqassaaq.

§ 4. Meeraq akilersuutiniik pisinnaatitaasumi najugaqanngippat meeqqap pilersorneqarneranut kina aningaasartuuteqartarnerisooq paasissutissiissutigineqassaaq. Akilersuutiniik pisinnaatitaasooq meeqqap

pilersorneqarneranut aningaasartuuteqartanngippat meeqqamut akilersuutit pisortanit siumoortumik tunniunneqarsinnaanngillat.

**§ 5.** Meeqqamut akilersuutit siumoortumik tunniunneqarnissaat ullup akilernerqarfissaata aqaguani aatsaat qinnutigineqarsinnaapput.

**§ 6.** Akilersuisussaatitaaneq allanngortittariaqartoq unitsittariaqartorluunniit isumaginninnermi ataatsimiititaliap paasiguniuk meeqqamut akilersuisussaatitaasoq tamatumunnga periarfissat pillugit ilitsersussavaa.

### **Kapitali 3.**

Meeqqanut akilersuutit pisortanit tapiissutitut tunniunneqartartut.

**§ 7.** Meeqqanut akilersuutit pisortanit tapiissutitut tunniunneqartartut inunnut Inatsisartut peqqussutaanni kapitali 3-mi piumasaqaatitut aalajangersakkanik eqqortitsisimallutik uppersaasinnaasunut qinnuteqarsimasunullu tunniunneqarsinnaapput.

*Imm. 2.* Meeqqap ataasiinnarmik pilersuisoqarnera meeqqamullu akilersuisussaatitaasoqannginnera qinnuteqartup uppersasagassaraa. Uppersaasat tassaasinnaavoq ataassarsiuinerup inaarneqarnera pillugu eqqartuussivimmi allattaavimmi allattukkat assilinerat, akilersuisussaatitaasup angajoqqaajusulluunniit toqusimanerannut uppersaasat assigisaalluunniit.

**§ 8.** Meeqqanut akilersuutit pisortanit tapiissutitut tunniunneqartartut tunniunneqarnissaannut piumasaqaatit eqqortinneqarsimatillugit tapiissutit meeqqap inuuia qiteqquffialu ullormik ataatsimik sioqqullugit kommunip allaffiani oqartussanit tunniunneqartassapput.

*Imm. 2.* Meeqqap inuuia qiteqquffialuunniit ullormik ataatsimik sioqqullugu oqartussat saaffigineqartussat matoqqassappata meeqqanut akilersuutit tapiissutitut tunniunneqartartut matoqqanissaq sioqqullugu ullormi ammaffimmi kingullermi tunniunneqassapput.

### **Kapitali 4.**

*Meeravissiartaarnermitapiissutit.*

**§ 9.** Meeraq meeravissiartaarnissaq siunertaralugu inuinnaat isumaqatigiissuteqarnerisigut ilaqutariinnut allanut paarsassanngorlugu inissinneqarsimappat meeravissiartaarnermi tapiissutit tunniunneqarsinnaanngillat, meeravissiartaarniartut meeqqap inissinneqarneranut atatillugu angalanermut uninnganermullu aningaasartuuteqarsimagaluarpataluunniit.

*Imm.2.* Inatsisartut peqqussutaanni § 15, imm. 2-mi piumasaqaatit malillugit meeqqap meeravissiassanngortinneqarneranut atatillugu meeraq ilaqutariinnut inissinneqarpat inissiineq taamaattoq meeravissiartaarnertut isigineqassaaq, naak meeravissiartaarnissamut akuersissut suli tunniunneqarsimanngikkaluartoq.

**§ 10.** Meeravissiartaarnermi tapiissutit tunniunneqannginnerini qinnuteqaateqartup makku uppersassavai:

- 1) qinnuteqartup meeravissiartaarniarnanumut akuersissut takutinneqassaaq,
- 2) meeraq meeravissiartaarnissaq siunertaralugu tigusaasaaq, kiisalu
- 3) meeqqap aaneqarneranut atatillugu angalanermut uninnganermullu aningaasartuutit qinnuteqartup aningaasartuutigisimallugilluunniit aningaasartuutigisagai.

*Imm.2.* Meeravissiartaarnermut tapiissutit aallarnissaq siusinnerpaamik ullut 14-nit sioqqullugu aatsaat tunniunneqarsinnaapput.

*Imm. 3. Meeqqap angerlarsimaffimmi tiguneqarnissaa sioqqullugu tunniunneqartut siumoortumik tunniussatut (aconto) tunniunneqassartassapput*

**§ 11.** Meeraq angerlarsimaffimmi tiguneqaraangat meeravissiartaarnermi tapiissutit amerlassusissaat isumaginninnermi ataatsimiititaliap naatsorsortassavai.

*Imm.2. Aningaasartuutit pisariaqavissut kisimik naatsorsuineri ilanngunneqartarnissaat isumaginninnermi ataatsimiititaliap nakkutigisassavaa.*

*Imm. 3. Aningaasartuutit pisariaqavissutut isigineqartut tassaapput, pisortat meeravissiartaarnissaq pillugu suliniteqarsimasut meeravissiartaartussat meeqqamik nammineq aallernissaannik piumasaqaataat tunngavigalugu angalanermut aningaasartuutit. Meeqqamut angalaqataanissaq kisimi piumasaqaataasimappat angalaqataalluni angalanermut aningaasartuutit kisiisa ilanngullugit naatsorsuunneqassapput.*

*Imm. 4. Uninnganermi aningaasartuutit pisariaqavissutut isigineqartut tassaapput, angalanermut angalaqataallunilu angalanermut kiisalu meeqqap tunniunneqarneranut atatillugu sivikinnerpaamik unnuinernut aningaasartuutit uppersarsaasikkat. Meeraq meeravissiartaartussaangitsumit angalaqatigineqarsimappat nerisaqarnermut aningaasartuutit uppersarsaasikkat kiisalu angalaqataasup aningaasarsiai naatsorsuineri ilanngunneqarsinnaapput, aningaasartuutit taakku meeravissiartaartussamit akilerneqarnissaat piumasarineqarsimappat.*

*Imm. 5. Meeravissiartaartussap aappaannaata angalaneranut aningaasartuutitut tapiissutit kisiisa ilanngullugit naatsorsuunneqassapput, meeravissiartaartitsineri oqartussaasup meeravissiartaartussat tamarmik marluullutik aalleqataanissaat piumasarisimagaa uppersarsarneqarsinnaangippat.*

*Imm. 6. Pisariaqavissunut aningaasartuutit amerlassusii apeqquaatinnagit meeravissiartaarnermi tapiissutit annerpaamik meeqqanut akilersuutit nalinginnaasut ukiumoortumik amerlassusiisa atuuttut pingasoriaataattut amerlassuseqarsinnaapput.*

## **Kapitali 5.**

### *Aningaasalersuineq.*

**§ 12.** Meeqqanut akilersuutit il.il. kiisalu meeravissiartaarnermi tapiissutit tunniunneqartarnerat pillugu malittarisassat tunngavigalugit tunniunneqartartut qinnuteqartup kommunianit aningaasartuutigineqassapput.

*Imm. 2. Meeqqanut akilersuutit pisortanit tunniunneqartartunut kiisalu meeravissiartaarnermi tapiissutitut tunniunneqartartunut aningaasartuutit Isumaginninnermut Suliffeqarnermullu Pisortaqarfimmit utertillugit akiligassanngorlugit qaammammut ataasiarlugit nassiunneqartassapput.*

## **Kapitali 6.**

### *Atortuulersitsineq.*

**§ 13.** Nalunaarut manna 1. august 1994 aallarnerfigalugu atortuulersinneqarpoq.

Henriette Rasmussen

/

Nukákuluk Kreutzmann

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut